

Dr Partner für Energie, Stromnetz und Dienschtleischtige

D'GEBNET AG isch es jungs, dynamisches Elektrizitätsversorgigsunternehmen mit Sitz in Aetigkofen im grandiose Buechibärg. Mir si Netzbetrieber, Stromlieferant und unterstütze agränzendi Solothurner und Bärner Gemeinde mit Energiedienstleischtige.

Mir sueche kei

Löu, blöde Siech, Glünggi oder Sürmu

M. Matter, 1973

sondern per sofort oder nach Veribarig e motiviert und zueverlässigi Persönlechkeit aus

Technischä Mitarbeiter (m/w) 80-100% Zählerwäse- und Datetechnik

Das si Dini coole Ufgabe

- Mitarbeit bir Planig und Umsetzig vom Smart Meter Projekt sowie vom Meter-to-Cash Prozäss i Zämearbeit mit interne und externe Steue
- Betreug und Administration vo de Zähler- und Stürgrät inklusive Montagearbeite, Los- und Eichverwautig, Lagerbewirtschaftig
- Störigsbehebige
- Berotig vo üsne Chunde i mässtechnische Belange
- Organisation und Anschluss vo Boustromverteiler
- Understützig vom Projektleiter bi Netzqualitätsmässige
- Augemeini administrativi Arbeite im Beriech Technik
- Scho interessiert? De lis wyter...

Das bringsch mit

- Abschlussni elektrotechnischi Grundusbuidig aus Elektroinstallateur EFZ oder Montageelektriker EFZ mit Bruefserfähig ... oder dr Wille öppis nöis z'lehre
- Inträsse a IT- und Kommunikationstechnologie sowie Kenntnis vo Microsoft Awändige, vo Vorteil Erfahrig im ISE und Abacus
- Säubständigi, organisiert und chundeorientiert Arbeitswys
- Chundeorientiert, vernetzt dänkend und mit höchem Qualitätsbewusstsy
- Hesch z'meischte dervo oder wosches lehre? De lis ou wyter....

Das isch üses Agebot

- Viusitige und abwächsligsrüiche Job mitemene chline, sympatische und flexible Team
- Marktgrächti Entlöhnig
- Hesch e Parkplatz, Mineralwasser und Kafi gratis zur Verfügig
- Um d'Arbeitschleider muesch di ou nid kümme.
- Mir zahle überdurchschnittlechi Soziauleischtige
- Ab de zwöi am Fritignamittag hesch fertig gschaffet, natürli darfsch ou länger...
- Ä 13. Monatslohn isch Dir zuegsicheret
- Für ume z'telefoniere bechunnsch es Natel zur Verfügig gsteut
- Wenn wosch, chasch no Ferie choufe
- Wyterbiudige ungerstütze mir
- Mir ghä zuesätzlechi Familiezuelage
- Mir hei Jahresarbeitszyt
- Hets di packt?

De schick üs bitte Dis vouständige Bewärbigsdossier mit Foti per E-Mail a matthias.fink@gebnet.ch . Hesch Froge? De mäud Di bi Dim nöi Chef Matthias Fink, Leiter Netz (Tel. 032 677 16 95).

GEBNET AG, Hauptstrasse 21, 4583 Aetigkofen

Tel. 032 677 16 96 www.gebnet.ch